



Broj:04-11-2480/21

Datum: 17.09.2021.godine

Na osnovu člana 69. stav (2) tačka d), člana 70. stav 1.,4. i 6. Zakona o javnim nabavkama ("Službeni glasnik BiH", 39/14), a na preporuku Komisije za javnu nabavku, broj:04-11-2480/21 od 16.09.2021. godine, u postupku nabavke radova izgradnje pomoćnog terena NK Podgrmeč. II faza, Općinski načelnik donosi:

ODLUKU **o poništenju postupka javne nabavke**

Član 1.

Poništava se postupak javne nabavke -**Nabavka jednog terenskog vozila za potrebe Općinskog štaba civilne zaštite** iz razloga što nijedna od primljenih ponuda nije prihvatljiva, član 69. stav (2) tačka d) Zakona o javnim nabavkama BiH.

Član 2.

Za izvršenje ove odluke zadužuje se i ovlašćuje Služba za finansije, trezor i zajedničke poslove.

Član 3.

Ova Odluka stupa na snagu danom donošenja i objavit će se na web- stranici općine Sanski Most, www.sanskimost.gov.ba.

O b r a z l o ž e n j e

Postupak javne nabavke jednog terenskog vozila za potrebe Općinskog štaba civilne zaštite, pokrenut je Rješenjem o pokretanju postupka javne nabavke broj: 04-11-2480/21 od 03.08.2021. godine.

Javna nabavka je provedena putem otvorenog postupka javne nabavke , a procijenjena vrijednost nabavke je 60.000,00 KM bez PDV-a.

Obavijest o nabavci, broj: 04-11-2480/20, poslana je na objavu dana 17.08.2021. godine i isti dan je objavljena na Portalu javnih nabavki pod brojem:305-1-1-25-3-25/21..

Komisija za javnu nabavku imenovana Rješenjem Općinskog načelnika, broj: 04-11-2480/21 od 18.08.2021. godine, dana 02.09.2021. godine u 13,30 sati , izvršila je javno otvaranje ponuda i utvrdila da je dostavljena jedna ponuda, ponuđača "BUNJO" d.o.o Sarajevo, u iznosu od 59.999,15 KM, što je i konstatovano u Zapisniku o otvaranju ponuda.

Komisija se ponovo sastala 13.09.2021. godine i izvršila analizu dostavljenih ponuda i utvrdila da jedina dostavljena ponuda ponuđača "BUNJO" d.o.o Sarajevo, u iznosu od 59.999,15 KM nije prihvatljiva.

Komisija za javnu nabavku nakon ocjene ponude konstatuje da je pristigla 1 (jedna) ponuda ponuđača "BUNJO" d.o.o Sarajevo, u iznosu od 59.999,15 KM i ista nije prihvatljiva zbog razlika u Tenderskoj dokumentaciji i Ponudi ponuđača.

U Aneksu 2, kojeg čini Obrazac za cijenu ponude-roba u koloni "naziv i opis artikla" u Tački 1., podtačka 1.2. koja se odnosi na dodatnu opremu, u alineji (3) stoji "Čekrk VinČ-WARN 9xD 9000i", dok Ponuđač u Aneksu 2, kojeg čini Obrazac za cijenu ponude-roba ispod dijela "Napomena" navodi "* Čekrk VinČ-WARN 9xD 9000i-ovaj čekrk se više ne proizvodi i njegova zamjena je: WARN VR EVO 12-s off road vitlo".

U Aneksu 2, kojeg čini Obrazac za cijenu ponude-roba u koloni "naziv i opis artikla" u Tački 1., podtačka 1.2. koja se odnosi na dodatnu opremu, u alineji (4) stoji "Rotacija LED na krovu (narandžasto-plavo)", dok Ponuđač u Aneksu 2, kojeg čini Obrazac za cijenu ponude-roba ispod dijela "Napomena" navodi "*Rotacija LED na krovu (narandžasto-plava) – sada se isporučuje samo u narandžastoj led izvedbi".

Ponuda Ponuđača od stranice 43 do stranice 53, kao sastavni dio ponude sadrži katalog koji pobliže opisuju vozilo koje se nudi te iz istog se vidi da neke dimenzije, mjere i karakteristike iz kataloga ne odgovaraju traženim dimenzijama, mjerama i karakteristikama iz Aneksa 2, kojeg čini Obrazac za cijenu ponude-roba, a odnose se na širinu i dužinu tovarnog prostora, na potrošnju goriva, na ulazni i izlazni ugao.

U Aneksu 3, kojeg čini Nacrt ugovora, a koji je sastavni dio tenderske dokumentacije i kao popunjen, potpisan i ovjeren sastavni je dio ponude ponuđača, član 2. glasi "Prodavac se obavezuje da će u roku od 15 dana isporučiti robu iz člana 1. ovog Ugovora i to na adresu Službe civilne zaštite, Vatrogasni dom, ul. Prijedorska bb, 79260 Sanski Most." Pored ovjerenog i potpisanog Nacrta ugovora u kojem je rok za isporuku 15 dana, Ponuđač u ponudi na strani 27 dostavlja Izjavu o isporuci jednog terenskog motornog vozila broj. J.O./029-2021 od 31.08. 2021. godine, a u kojoj stoji " Kojom izjavljujemo da ćemo Vam jedno terensko motorno vozilo nakon potpisivanja ugovora, isporučiti zajedno sa svom pratećom opremom, prema Aneksu broj 2 u roku od 90 dana", a što nije u skladu sa rokom iz Nacrta ugovora.

Iz svega navedenog se vidi da u Ponudi ponuđača "BUNJO" d.o.o Sarajevo, postoje razlike u pogledu onog što se traži od strane Ugovornog organa u Aneksu 2, kojeg čini Obrazac za cijenu ponude-roba, a koji je sastavni dio Tenderske dokumentacije.

Komisija za javnu nabavku dalje konstatuje da nijedna primljena ponuda nije prihvatljiva, te predlaže-preporučuje Općinskom načelniku da se postupak za javnu nabavku poništi, postupajući u skladu sa članom 69, stav 2, tačka d) Zakona o javnim nabavkama („Sl. glasnik BiH“, broj 39/14). po kojoj „**Ugovorni organ obavezan je poništiti postupak javne nabavke u slučaju da nijedna od primljenih ponuda nije prihvatljiva**”.

Općinski načelnik nije našao razloge nepravilnosti niti propuste u radu, koji bi eventualno bili osnov za ne prihvatanje Preporuke Komisije za javnu nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom i Tenderskom dokumentacijom.

Naimē, u postupku predmetne nabavke nesumnjivo je utvrđeno da nijedna (jedina) primljena ponuda nije prihvatljiva.

Iz navedenih razloga, primjenom člana 69. stav (2) tačka d) Zakona o javnim nabavkama BiH, riješeno je kao u dispozitivu ove Odluke.

Pravna pouka:

Protiv ove odluke može se izjaviti žalba Uredu za razmatranje žalbi, Filijala Mostar, putem Ugovornog organa, najkasnije u roku od 5 (pet) dana od dana prijema ove Odluke.

Dostaviti:

1. "BUNJO" d.o.o Sarajevo
Alipašina bb, 71000 Sarajevo
2. Dosije
3. a/a

OPĆINSKI NAČELNIK



Faris Hasanbegović, prof.

